

Uunga siunnersuut: Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit Inatsisartut inatsisaata allanngortinneqarnera pillugu Inatsisartut inatsisaat.
Aningaasaqarnermut Naligiissitaanermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini inuttarai:

Inatsisartunut ilaasortaq Mariane Paviasen, Inuit Ataqatigiit, siulittaasoq
Inatsisartunut ilaasortaq Aqqalu Jerimiassen, Atassut, siulittaasup tullia
Inatsisartunut ilaasortaq Lars Poulsen, Siumut
Inatsisartunut ilaasortaq Knud Mathiassen, Inuit Ataqatigiit
Inatsisartunut ilaasortaq Pele Broberg, Naleraq
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Dines Mikaelson, Siumut

UKA2022-mi oktobarip ulluisa arfernanni siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisartut inatsisaata nutarterneqarnissaa siunnersuutigineqarpoq.

Inerteqqut taamaattoq inatsimmi allami malinneqareermat aningaasanik tigussaasunik akiliuteqartarnermut inerteqqut atorunnaarsinneqarpoq. Oqaaseq piginnittuiuneq pillugu oqaatsip isumaa nunani tamalaani inatsisinut maleruagassanut qanillatorneqarnissaa siunertaralugu ilaneqarpoq aamma misissuisussaataaneq nalunaaruteqartussaataanerlu annertusineqarlutik.

Inatsisartuni siunnersuummik siullermeerinninneq

Siunnersuut Inatsisartuni siullermeerneqarnermini taparserneqarluarpoq.

Tusarniaaneq

Siunnersuut juunip ulluisa qulingiluaanniit 2022 juulip ulluisa arfineq aappaannut 2022 tusarniaassutigineqartoq Naalakkersuisut ilisimatitsissutigaa. Tusarniaanermiit saaffiginnissutit inatsimmut oqaaseqaatini ilanngussaq 2-mi nassuiaatigineqarput. Tusarniaaffigineqartut akissuteqaataannut Naalakkersuisut tigusilluarsimanerat ataatsimiititaliap maluginiarpaa.

Ataatsimiititaliap siunnersuummik suliarinninera

Siunnersuummut nassuiaatini immikkoortoq 2.2 innersuussutigineqarpoq, matumani siunnersuutip imarisaa sukumiinerusumik nassuiarneqarluni. Annertusisamik nalunaartussaataaermermi suliffeqarfiit inulluunniit annertuumik misissuiffigineqarnissaannik aallartitsinissamut imaluunniit paasiniaanissamut assigisaannulluunniit pisussaaffik imaqaangitsoq Naalakkersuisut paasissutissiissutigigaat ataatsimiititaliamit immikkut maluginiarneqarpoq. Tamatuma aamma aningaasanik peqquserluutinik malunnarunnaarsaasoqarneranik pasitsaassisoqartillugu suliffeqarfik inulluunniit sullitaminut paasissutissanik tamatigut piniartarnissaanik isumaqaangilaq. Isumaqaannarporli suliffeqarfik inulluunniit naammaginantumik nalinginnaasumilluunniit misissuinermini ingerlariaqqissinnaanngikkuni Aningaasanik peqquserluutinik malunnarunnaarsaasarnermut allaffeqarfinnut (Hvidvasksekretariatet) nalunaaruteqassasoq.

Siunnersuutip aningaasaqarnikkut kingunissai

Siunnersuut pisortanut, inuussutissarsiornermut innuttaasunullu malunnaatilimmik kinguneqarnaviangitsoq Naalakkersuisut ilisimatitsissutigaa.

Ataatsimiititaliap inassuteqaatai

Ataatsimiititaliap isumaqatigiittup siunnersuutip akuerineqassasoq inassutigaa

Ataatsimiitaliap taama oqaaseqaateqarluni isumaliutissiisummilu allassimasutut paasinnilluni siunnersuut aappasaaniigassanngortippaa.

Mariane Paviasen
Siulittaasoq

Aqqalu Jerimiassen
Siulittaasup tullia

Lars Poulsen

Knud Mathiassen

Pele Broberg

Hans Aronsen

Dines Mikaelen